

欽定剿平三省邪匪方略

欽定剿平三省邪匪方略正編卷三百四十

壬戌年

九月二十三日

辛卯

惠齡奏言連日據探報總兵

楊芳率領軍功袁華等在磨石溝搜遇苟逆零
匪六十餘人生擒偽先鋒鮮雲先等六名奪獲
長矛十二桿賊旗一面訊係先鋒藍永樂帶領
正在追殺間據寨民擲報零匪九十餘人在寨
後老林屯聚楊芳卽令袁華等帶兵入林搜殺

數名追過光頭山沿途復有殲戮楊芳自帶都司余步雲等仍跟追藍永樂股賊趕至牛欄溝腦又殲斃賊匪十二人奪獲長矛入桿餘匪連夜散遁柳林溝老林又楊芳所派軍功蒲子琴在老雞溝大梁追及零匪百餘人賊匪恃衆抗拒兵勇直前撲殺殲斃賊匪五人奪獲長矛五桿餘匪順秦嶺大梁竄逸又楊遇春所派副將

吳廷剛在礮子溝殲斃賊匪六人生擒二名遊
擊祝廷彪在光頭山林內殺斃賊匪二人生擒
三名總兵李應貴在蒿溝殺斃賊匪四人生擒
五名均將獲犯並耳記就近解交楊遇春軍營
查辦又舊縣關護遊擊馬世勲在草踏溝追及
賊匪與賊接仗殲斃賊匪五人陣亡兵丁二名
賊匪翻山遠竄各等情

臣

竊思刻下南山餘孽

雖爲數無多而行蹤詭秘出沒無常其意總在
牽綴我兵爲苟延旦夕之計兵勇捕風捉影朝
東暮西兵到賊已無蹤兵過賊又復擾無論往
返追逐徒勞兵力而日事因循何時始能辦竣
當經札商楊遇春必須分路排搜先將東路肅
清再向西面逼剿以次殲除方克有濟茲接楊
遇春來信現在派令總兵李應貴專辦太平高

關等哈一路零匪副將吳廷剛遊擊祝廷彪自
黃楊壩熊家嶺一帶搜剿楊遇春已將鍋帳留
於高關親率兵勇馳赴黃楊壩就近督辦如此
分投搜捕可期次第廓清臣復飛札嚴催該鎮
將等趕緊辦理俟東路辦竣則西路斬逆股匪
勢窮力竭更易掃除查斬逆股匪自副將張瑗
等剿散之後或三五人或十餘人至數十人零

星逃匿總在西路秦嶺及太白山老林現據探
報張瑗等由花兒坪搜遇賊匪殲斃二十餘人
生擒五名訊稱此股均係零星湊合並無賊首
在內等語刻下副都統格布舍已奉經畧額勒
登保調赴大營隨同入楚所有格布舍慶成應
留之兵勇業經楊遇春派委侍衛哈豐阿都可
趙有倉等前往接管辦理臣亦經飭催該侍衛

等實力搜捕切勿稍存觀望再據通判雒昂稟
報所派外委李秀帶領寨勇在大莊坪截剿賊
匪殲斃三人陣亡寨勇一名又據寧陝東南路
辦寨委員應先杰稟報在會溪溝鎗斃賊匪一
名受傷滾崖者一名寨勇周洪先追拏矛手韓
世美一名解赴寧陝廳訊辦又據督糧道素納
稟報盤厓辦寨委員張廷相帶領寨勇在北乾

溝腦與賊接仗殲賊匪四人搶獲刀矛等件
賊匪翻上大山寨兵勇奮力仰攻該匪滾放大
石打斃寨勇程功徐德成二名寨勇等無不憤
恨搶上大山悉力跟追至五道溝又鎗斃戴藍
翎手執大旗賊目一名並將大旗搶獲回首級
刀矛一併解驗又據石泉縣稟報委員章成基
盤獲張添倫夥內偽元帥王添成一名業經經

署路過該縣時訊明正法又據寧陝廳稟報委
員郭利賓招出被脅難民王士貴等五名寨首
劉占魁招出被脅難民李有勝等二名訊係甫
經被脅入夥並無爲匪情事已飭令遞籍安業
臣復嚴飭該地方委員等仍隨地稽查尋蹤搜
捕毋任潛匿至陝楚邊界零匪一股百餘人竄
至平利東西河屯聚經提督穆克登布總兵喜

明合力圍剿痛加殲戮業已盡數掃除又一股
黃白藍三號合夥之賊二三百人竄至平利大
小溝一帶副將閻倫烈帶兵截擊斬擒四十餘
名餘賊竄往川境又楚匪一股五六百人由化
口一帶竄至白河洵陽界內逼近高北漢江岸
經洵陽縣知縣嚴如煜督率寨勇用鎗礮轟擊
打斃騎馬賊二名該匪沿江西奔臣昨接經畧

額勒登保來信前因雨水過大溪河阻隔於八
月二十七日始自寧陝一路前進九月初五日
已抵興安正值楚匪竄近現派扎克塔爾等帶
兵由七里關一帶追剿且有穆克登布喜明等
在安康平利境內總兵孫清元亦由楚追躡前
來大兵會合自可痛加剿除又據西鄉文武稟
報川匪百餘人由通江竄入該縣王家坪板橋

子一帶經兵勇協力堵截仍折回四川通江境
內又據寧羌州稟報川匪三四百人由蒼溪竄
至廣元熊家河逼近該州邊界等語查將軍興
奎經額勒登保

奏令前赴寧沔一帶督率防堵計程已抵寧羌

臣

業已飛致興奎就近督兵截剿亦可無虞闌入

同日興奎奏言竊

臣

前在江口阻水稽延數日

嗣接額勒登保已自兩河起身之信遂親臨渡
口探看水勢畧消卽刻單騎減從於九月初一
日先行趕過寧陝廳所屬之火地頭接見恭傳
諭旨將凱撤鄉勇一事妥爲飭辦據稱業經分別先
後斟酌去留遴委道員朱勲副將王兆慶總理
其事已將情形奏

聞等語並將漢南現在各營卡歸集官兵擬安處所

及更調鎮將防剿一切機宜詳晰向

臣

告知擬

以元壩子荒耳山鐵爐壩三段各鎮將分歸統

率防範各等因

臣

遵卽自石泉分路取道洋縣

城固前抵漢中復與撫臣陸有仁會晤並將裁

撤鄉勇一事密爲告知復於途次遇詢道員朱

勲副將王兆寔備悉鄉勇沿途行走光景俱極

安靜洵足仰慰

聖座

臣

在漢中少停一日令官兵等整頓衣履於十

三日前抵元壩子駐扎其歸集官兵不日即可

到齊悉遵額勒登保擬定章程統率防剿本日

並接惠齡恭錄

諭旨一道傳知前來

臣

自顧庸愚蒙

恩畀

臣

以西安將軍重任

命赴軍營馳効際茲大功垂成所餘零星竄匪

臣

具

有
天
良
惟
有
欽
遵

諭旨與諸鎮將同心實力嚴密分投防剿隨時具報
督臣惠齡奏報並相度機宜何處山口一時緊
要卽移向該處駐扎斷不敢以一定不移少涉
迂延拘泥奏入

上命軍機大臣傳諭惠齡興奎曰覽惠齡所奏現在
南山餘孽每股不過十餘人及數十人零星奏合

爲數無多無難趕緊剿盡乃寨勇等尙能與賊接
仗奮力攻剿將手執大旗賊目殲斃而官兵節次
所殺之賊僅止二三名或四五名總未能痛加殲
戮顯因經畧額勒登保帶兵赴楚鎮將等無人督
率未免鬆勁似此日事因循或賊匪探知經畧已
往湖北兵勇又加裁撤無所畏懼到處奔逃甚或
闖入南山老林必致又稽時日據摺內稱有楚匪

一股五六百人由化口一帶竄至白河洵陽界內
又川匪百餘人由通江竄入西鄉板橋子地方又
川匪三四百人由蒼溪竄至廣元熊家河一帶等
語可見川楚邊界零匪紛紛皆欲竄陝境現雖分
兵截擊俱已折回但賊蹤出沒無常安知不復思
乘間竄入惠齡係該省總督鎮將等皆其統轄與
其飛致興奎札商楊遇春何如親往督率相機奮

剿倘鎮將中有怠玩不力者卽當嚴行叅辦惠齡
係棄瑕錄用之人現在陝省搜捕零匪正伊立功
補過之時若不感激思奮任賊股四處奔竄日久
玩延轉瞬卽交冬令又將藉口氣候寒冷冰雪載
途則不獨治其口前玩悞之罪並從前在湖北總
統時縱賊至豫之罪亦當一併示罰矣凜之慎之
至興奎經額勒登保派調前赴寧河所有元壩子

等處賊匪務當督同各鎮將協力剿捕伊雖甫抵該處但係曾經行陣之人畀以將軍重任倘不能上緊剿辦任賊復竄南山興奎亦不能免貽悞之罪也

二十七日

乙未

額勒登保奏言查由二竹竄入陝

境金河一帶之賊

臣

先已派令傳陞副將張廷

楷遊擊王兆龍與總兵喜明先後分帶官兵緊

顧西北向東南轟擊並酌留穆克登布帶兵在

白土蘭暫紮探剿

臣

卽統兵入楚如喜明張廷

楷將該匪逼向東南必趨二竹境內

臣

卽可迎

頭夾擊十三日接據探報該匪知有官兵追躡

亡命奔逃遁入洵陽之平定河喜明張廷楷帶

兵由濫廟埡大神河緊躡追趕初九日探悉該

匪由觀音堂竄屯黑山老林距我兵六十餘里

喜明張廷楷鼓勵兵勇於二更後卽行進發黎
明行抵賊屯處所據寨民報稱該匪於黑夜先
已起竄田炭河折繞茨溝黃洋河西趨喜明張
廷楷當卽率兵折回跟蹤穆克登布亦探悉賊
蹤已帶兵由蒿尖壩四郎廟一帶取道折截等
語_臣查該匪若竟向陝境西趨不惟日久寧謐
之區又遭蹂躪設該匪分竄江北更屬不成事

隨一面飛飭穆克登布務須督率顧定江岸
趕緊逼剿並知會各營卡官兵聯絡截擊

臣

當

卽帶同扎克塔爾率師由竹谿關垓取道月谷
溝烏稍嶺一帶仍向西策應並顧江岸連日途
次接據各路稟報十一日辰刻喜明率兵趕過
牛蹄嶺至板廟子溝探知賊匪正在板廟垓山
梁率同叅將閻俊烈璩嘉驥李廷珍各帶兵勇

分路仰攻該匪一見官兵仍敢從上壓下我兵
奮勇直上當斃賊匪十餘人生擒十三名該匪
卽行潰亂翻山奔竄我兵亦卽跟追至才郎溝
口左手山內有伏賊百餘人突出喜明卽帶馬
隊並璩嘉驥官兵衝擊又斃賊匪五名生擒十
餘名該匪卽向高廟子逃遁關俊烈追趕正股
至崔家溝腦又有馬賊七八十名衝撲而來當

經藍翎外委孫玉新寨勇吳世富李洪春鄺勇
王應錫等首先迎敵用矛戳斃賊匪二名該匪
等卽棄馬紛竄閩俊烈催令兵勇乘勝追殺沿
途又獲賊二十餘名奪獲騾馬七十餘匹刀子
四十餘件至晏吉河兩路官兵會合一處該匪
分股向當溝坡尙家壩兩路遁竄訊據獲犯屈
林祿供稱此股係黃藍白三號合夥有兩個元

帥一個叫彭光俊一個姓王不知他的名字有
兩個總兵叫趙士華周化名前在湖北興山保
康一帶游奕搶掠有六七百人馬騾二三百匹
探聞各路大兵都到湖廣去了衆人害怕得狠
商量從化口過竹山要到陝西境內躲避等語
喜明等因追賊緊急不能詳訊當將該犯同臨
陣生擒之矛手王克官等二十六名概行正法

其餘三十八名解交興安府審辦適張廷楷王
兆龍亦帶兵趕到隨會同於十二日四鼓仍躡
蹤由左林溝前進喜明張廷楷等督率兵勇分
爲數路齊向鐵爐壩緊追十三日黎明趕抵該
處賊匪甫經起竄我兵各路競進當斃賊匪十
九名生擒二十餘人賊匪分股向迎風溝腦各
處奔竄喜明張廷楷等帶兵奮力追殺又斃賊

五名生擒九名直至紅岩口該匪已翻毛坡大山飛遁天色已晚共計斬獲賊匪五十八名得獲騾馬四十餘頭匹當將陣獲拒敵之鄧名富等二十九名槩行正法其餘沈三樂等三十一名詢係被裹之人解交紫陽縣查訊訖維時穆克登布帶兵正由四郎廟左林溝向香河緊顧江岸而進途次盤獲逃出難民王貴供稱我係

白河縣人新近被擄賊匪在板廟壩連被官兵
衝殺有兩個旗手帶領百十八分竄原想由左
林溝前去會合不想又有官兵前來他們折回
到尙家壩蒿支壩向南去了我乘空逃出等語
穆克登布以此股雖零星分出未便任其竄
當派都司李勝林千總楊清江帶領兵勇三百
餘名追剿穆克登布趕緊抄顧西北並飛行知

會汪啟挑派官兵由西向東迎截臣於十六日

途次獅子壩據都司李勝林稟差迎報追剿尙

家壩分竄賊匪百餘人經李勝林等追至西朶

路河趕及賊匪擒殺二十三名滾岩落河淹斃

二十餘人所餘二三十人半係空手已由八卦

廟竄入楚境王家河所有獲犯耳記解繳前來

臣仍飭令跟蹤前進以期掃蕩卽率兵勇向蘭

河一帶策應十七日據報該匪經喜明張廷楷等兩次剿殺後連夜狂奔探知西面亦有官兵遂折由金山梁向南奔竄穆克登布亦連夜取道木蓮橋五朶雲向安溝抄截該匪於十四日竄至雙河塘屯紮經防守斑鳩關叅將王應鳳探悉賊蹤挑派奮勇官兵數百名於二更時前往圍殺四更潛抵賊屯一齊吶喊衝入殲斃三

十餘人賊匪驚覺紛紛亂竄正由安溝奔逃天明時穆克登布帶兵行至安溝口當卽揮兵衝殺該匪不敢抗敵扒上大梁希圖逃竄我兵不煩督催直前競上外委杜珠華首先搶上被賊石傷右膀並不退却我兵愈加鼓勇一擁直上當斃賊匪三十餘名生擒二十七名得獲騾馬三十餘匹該匪分爲數路向西南逃遁經遊擊

李國棟跟追適張廷楷王兆龍帶兵繞向西南
迎擊正從對面山上壓下復生縛賊匪十四名
先是喜明聞倭烈恐賊匪闖入紫陽帶兵繞道
迎擊趕抵沙壩正與該匪迎頭相值殺斃賊匪
十餘人生擒十五名該匪不敢抗拒竟向繞溪
河狂奔約計尙有一三百人驟馬三四十匹俱
先後向川界之界嶺膝扒逃遁穆克登布隨飭

令叅將閻俊烈遊擊李國棟都司李廷珍外委
瞿廷濬帶領兵勇緊躡入川極力趕剿各等情
查此股賊匪王姓爲首卽係王國賢之弟并彭
光俊帶領共有六七百人騾馬二三百匹係竄
翰孫清元由楚之興保追趕前來竄入陝境仰
仗

皇上天威數晝夜連接五仗將該匪擒斬過半此次

竄過地方久經寧謐堡寨皆已團結一有警信
百姓均皆上寨且各官兵分路追剿未予以暇
該匪無從擄掠現入川界已飛札田朝貴叅將
閔懷希等探明迎剿期與閔俊烈之兵趕緊剿
除至楚省熊翠熊方青經總兵孫清元帶兵在
花柳樹壩剿殺後該匪由武家坡一帶連夜奔
入白河地方孫清元等率領官兵由蔣家梁一

帶抄截署白河縣知縣黃袞探聞賊匪竄境後
有官兵追躡而來於十二日帶領壯勇數十人
親赴各處寨堡曉諭寨勇隨處截擊行至太山
廟猝遇賊匪數人假充官兵探信之人迎面前
來該令卽向詢問賊匪蹤跡正在問答不意路
旁溝內另有賊匪突出猝不及防該令受傷數
處殞命隨行壯勇上前救護並被戮傷數人而

逸經地方文武稟報前來查黃窠前在臺灣帶
領義勇出力獎賞藍翎嗣於嘉慶四年蒙

皇上發往陝西交

臣

軍營差遣歷經派委催運軍糧

並帶勇隨同剿賊不辭勞瘁經

臣

奏蒙

天恩以知縣陞用經撫臣陸有仁委署白河縣該縣
到任以來於地方事務極爲留心官聲亦好茲
遇賊匪捐軀殊堪憫惜該匪二百餘人由壩河

駝家壩向大小金河一帶奔竄經副都統富翰
副將呢瑪善帶兵由嚴家營五條嶺趕赴金河
迎截十三日兵抵大金河該匪正由偏頭山竄
來一見官兵卽分向南北兩山逃竄當經遊擊
李貴泰領德克精額帶兵抄上南面山梁斃賊
五人尙餘十數人均滾岩潰散其北面山梁之
賊約有二百餘人派令叅將王占鰲遊擊李東

宣等分帶兵勇直上仰攻賊匪擲石抗拒叅將
王占鰲右腿被傷尙不甚重該將鼓勇直前兵
勇一齊繼進斃賊三十餘名生擒八名該匪翻
山向平定河竄去富翰呢瑪善催兵追殺直至
尖山嶺沿途又斃賊二十餘名生擒十三名該
匪捨命飛奔富翰等仍擬緊躡掃蕩並將獲賊
二十一名解訊前來

臣

當卽訊明均係積年

手全行正法查該匪現餘不過一百數十人無

難卽日辦完

臣

已酌加賞賚飛飭該副都統等

卽與孫清元會合併力就地辦竣卽該匪窮蹙

東趨亦須跟蹤趕緊殄除不得再延時日並據

富蘭稟報八月二十八九九月初一二等日有

零匪竄近邊境該鎮帶兵追至松樹壩殺賊數

名陣亡兵丁二名賊匪復折入川又據川北文

武果報有湯姓張姓賊匪五六百人由大竹渠
縣營山閭蒼一帶奔竄鹿南境內有副都統達
斯呼爾岱副將羅聲舉帶兵追剿又有許文謨
帶兵趕至水磨壩一帶距陝境不遠並據慶溥
報稱探知賊蹤亦已帶兵由李家壩一帶探蹤
迎擊臣已飛行札知興奎永明務須嚴密堵剿
不許闖入是刻下賊匪均有窺伺陝境之勢臣

若卽移師他往恐賊匪乘虛闖入辦理轉爲棘手現派穆克登布及侍衛將領等帶領馬步兵勇由紫陽茅壩關向西鄉太平一路進發如聞倭烈趕剿之賊向西奔竄正可迎擊卽達斯呼爾岱趕剿鹿南賊匪向東而來亦可夾攻無論何股均能剿辦兼顧陝疆臣擬暫紮安紫一帶東顧楚境西策川界查穆克登布原設安平一

帶營卡處處均關緊要亦不可無大員督率將

軍賽冲阿在德楞泰一路帶領馬隊臣會晤時

詢知該一路馬隊二三百名尙有副都統色爾

滾富僧德協領等官足資分帶臣已咨調賽冲

阿單騎前來太平一帶駐紮與喜明統帶此路

官兵防剿川楚邊界再格布舍帶領兵勇於十

九日趕抵臣軍營據稱初六七連日在山內率

同副將張瑗叅將張奉廷遊擊李朝顯都司張
起鰲等於八九溝代馬河等處陸續搜獲零匪
五十餘名訊明盡係陳賊均卽正法至楊遇春
楊芳等剿辦情形惠齡自己詳悉奏請

聖鑒再臣欽奉

上諭德楞泰旣將蒲逆股匪殲除
盡已可騰出兵
力次第掃除揆之現在情形如額
勒登保尙在陝

境可不必急於赴楚等因欽此伏查刻下川陝楚

三省賊匪情形自以楚省爲稍多其次則川急

須會同趕剿以冀肅清若

臣

與德楞泰兩路大

兵在楚分投督剿自較易於得手但該匪震懾

兵威聞風逃避不竄入川卽竄入陝是楚境雖

卽肅清而賊匪究未掃蕩一經分竄辦理轉致

稽時昨

臣

甫經入楚王姓股匪卽竄進陝境幸

仰仗

天威連次斬獲過半而楚省熊翠一股川省張姓湯
姓一股現又續有竄陝之勢以目下情形而論

臣一路官兵似未可遽行離陝查楚省賊數

臣

昨已會同德楞泰吳熊光會合具奏此時王姓
一股又已剿敗入川只有戴崔等股或各山內
尚有未經查確餘匪其數總不過二千餘人而

止德楞泰現帶兵勇計四千餘人尙有本省鎮

將各路官兵六七千名昨復經臣商同吳熊光

將各起歸集令各鎮將帶領鼓勵分投剿辦合

之德楞泰兵勇已及萬餘以之趕剿現在賊數

儘足敷用是楚省賊匪應遵

旨仍專交德楞泰督率剿辦以次掃蕩臣率同扎克

塔爾穆克登布帶領官兵在川陝楚適中之地

往來探剿一切應辦事宜既可隨時與德榜泰
勒保吳熊光就近札商無論川楚賊匪經各官
兵趕剿均可隨時策應迎擊兼可顧定陝江總
期和衷協力趕緊督率務將川陝楚現有餘氛
及早掃蕩或先將兩省肅清餘匪逼歸一省會
兵圍剿俾無分竄之虞卽會同用紅裏黃面之
摺馳報捷音仰慰

聖鑒奏入

上命軍機大臣傳諭額勒登保德楞額泰勒保曰前此額勒登保移兵赴楚朕卽慮賊匪聞知經畧前往湖北陝境無重兵駐紮又思乘間竄入今聞額勒登保摺內所敘情形王姓股匪並彭光俊帶領六七百人驛馬二三百匹經楚省官門翰孫清元追趕前來逸入陝境喜明穆克登布坐守分路截剿連接

五仗將該匪斬擒過半餘剩三四百人向川省界
嶺逃遁額勒登保以刻下賊匪均有窺伺陝境之
勢擬暫紮安紫一帶東顧楚境而策川界自應如
此辦理現在楚省祇有崔戴等雲匪德楞泰所帶
兵勇萬餘儘敷剿辦陝省殘匪固屬無多但川楚
各匪現在又思入陝雖經截回難保其不復行竄
近惠齡於帶兵打仗竟不心恃可將南山零匪交

伊搜捕所有陝境事宜仍專交額勒登保督辦卽飭催各鎮將將境內賊匪悉數搜除並嚴防江岸毋使竄近其沿邊各要隘尤應實力守禦遇有他省竄匪卽上緊殄除勿僅以驅逐出境了事總應遇賊卽剿迅速辦理至所奏先將兩省肅清餘匪通歸一省會兵圍剿俾無分竄卽會同用紅裏黃面之摺馳遞捷音一節朕前此降旨令用紅裏黃

面奏摺馳遞者原以教匪不過內地亂民卽剿平
後亦不值馳遞紅旗祇須用摺馳奏告歲大功頒
示中外然亦必須全數掃除三省肅清永無他慮
方可馳報若僅逼歸一省卽馳報歲功設或賊匪
歸併一處之後因逼剿緊急又復紛竄逸入他省
而馳奏喜音業已宣示成何事體耶此摺不可速
發然事宜速辦不可遲至嚴寒沍凍之時又以冰

雪藉口現在陝省零匪已交額勒登保督辦其湖北零匪專交德楞泰督辦川省零匪專交勒保督辦額勒登保等總當遇賊卽剿嚴防邊境毋論本境及他省竄來之賊悉力芟夷如果境內實已肅清他省又斷無闖入之賊亦不必彼此會商各用紅裏黃面之摺馳遞卽先後數日亦無不可目下秋令將盡額勒登保等惟應倍加奮勉上緊辦理

務於十月內一律蒞功倘稍有遲延轉瞬天氣嚴寒又將以冰雪凝滑爲詞然亦不可因朕萬壽慶節有心迎合急於見功草率竣事總應於迅速之中辦理完善以期一勞永逸爲要至外委杜珠華首先殺賊身受石傷尙爲奮勇著卽以應陞之缺陞用白河縣知縣黃袞猝遇賊匪被傷身故著照陣亡例咨部賜卹侍衛富挺吉林驍騎校委叅領

額爾慎佐領柯星額均因病身故著照軍營病故
例賜卹

同日惠齡奏言據安康洵陽等縣稟報經畧前
派札克塔爾副將張廷楷等帶領官兵迎剿楚
匪該匪聞信旋即折回南奔經畧額勒登保督
兵由平和白土關一帶追赴楚界詎該匪繞至
陝境東面由白河竄入洵陽境內該縣知縣嚴

如煜率勇迎剿鎗斃賊目秦國凡等三名生擒
楊顯玉一名訊知此股係樊人傑王國賢等餘
匪該匪沿江直趨安康境內總兵喜明帶兵追
至安康屬之板廟子趕上賊尾直前撲殺該匪
恃衆抗拒我兵奮力攻擊殲斃賊匪十餘人生
擒三十餘名搶獲先鋒大旗一面騾馬百餘匹
賊匪潰敗分爲兩股一由右首狂奔一由左首

燕溪河逃竄喜明躡蹤緊追沿途又斃賊數名
生擒十餘名搶獲騾馬三十餘匹賊匪翻過數
重大山竄往紫陽境內喜明直追至紫陽縣屬
之雙河塘又經接仗殺斃賊匪一百餘人該匪
不敢稍停從六道河陡嘴子竄往川省交界喜
明仍跟追前進又有後股賊匪幾及千人亦接
踵竄入白河縣境總兵孫清元抄至白河縣屬

之柳樹坪與賊接仗殺賊數百名生擒數十名
賊匪分竄洵陽縣屬之大金河平定河等處逼
近江岸經安隆寨團勇施放大礮轟擊賊匪不
敢沿江行走卽從金河腦西奔當該匪甫經竄
入白河邊界之時署白河縣知縣黃袞自帶團
勇前往堵截行至縣屬太山廟遇賊接仗不意
兩旁山溝伏賊突出將該令圍住該令奮力衝

殺手刃二賊衆寡不敵力戰陣亡並陣亡團勇
數名各等語

臣

伏查洵陽安康紫陽等處濱臨

漢江現在轉運軍米船隻陸續前赴漢中誠恐

該匪搶船渡江欲圖北竄當經飛飭沿江廳縣

將境內船隻撤歸北岸於江岸安設兵勇防守

勿致偷越並恐該匪直向西奔於上游灘淺處

所躡淺過江復飛飭西鄉紫陽等處防邊各鎮

將偵探賊蹤相機截擊以防該匪西竄現聞經
署額勒登保已由楚界折回平利白土關計期
早入陝境將軍賽冲阿亦由白河追躡前來已
入安康縣境提督穆克登布亦自平利馬鞍鋪
帶兵抄截兵威壯盛諒此敗殘餘孽無難就地
剪除至南山零匪連日據報提督楊遇春督同
總兵楊芳在西傅家河娘娘廟搜遇賊匪二十

餘人生擒先鋒晏齊光並矛手等十四名餘賊
十數人全行殲戮淨盡又都司余步雲等在琵琶嶺追及賊匪殺賊五名餘賊又與另股合夥
同奔鐵厰溝該都司復經趕上又斃賊三名滾
落懸崖跌斃者數名奪獲矛桿八根餘賊散竄
又副將吳廷剛所派都司張超等在鐵廟子山
梁遇賊接仗殲斃一名生擒三名奪獲長矛四

桿餘賊西遁又該副將所派鄉勇二十餘人在
釋志溝搜遇賊匪八人戮斃一名生擒二人餘
賊五人遁入老林其斬逆等匪仍在太白山都
督河月亮坪一帶分投竄匿經都司張起鰲在
太白山腦殺賊十五名搶旗一桿又在張家坪
老林搜遇賊匪十餘人戮斃八名生擒五名搶
旗一面長矛十一桿訊知此股係偽總兵黃明

德帶領該逆已被殲斃餘賊擒斬淨盡又都司
周奉在扇子山殺賊三名拏獲男婦二名訊知
此股係偽總兵彭姓先鋒李姓帶領又據漢中
府知府趙洵稟報委員張錫祺拏獲苟逆夥內
偽總兵李明剛一名並戮斃一名又委員張元
禧招出被脅難民劉允配等二名送交寧陝廳
訊明安插各等情竊查刻下南山零匪分投散

竄或三五百人或十數人至數十人各爲一股
隨處潛藏其勢雖極形殘敗第人數愈少藏密
更易且該匪狡猾多端所過之處輒自滅其蹤
跡並於林內虛放號礮或露炊烟及兵勇入林
該匪早已遠遁往往跟追數日不能接仗一次

臣

節經飛催各鎮將等趕緊搜捕雖各路均有
斬獲而賊匪零星分竄一時總未能剿除淨盡

卽應將零匪迅速翦除騰出兵力令楊遇春等帶
往幫同額勒登保上緊剿辦爲要至摺內稱遣令
盤獲各犯發給諭帖前往招致庶賊黨聞風解體
等語此等匪徒怙惡不悛原係罪在不赦當此功
屆垂成之際尤應以剿爲正辦如果賊夥中有真
心棄械投誠者尙可貸其一死但不得竟以招撫
爲事徒致遷延時日也

欽定剿平三省邪匪方略正編卷二百四十一

壬戌年

九月二十八日

丙申

吳熊光奏言竊

臣

前將應行

籌辦事宜會商具奏後正擬馳回房縣籌辦一

切適據探報前由二竹洵白西竄賊股初聞經

畧額勒登保率兵自西而來該匪從火神河向

東折竄迨額勒登保一路官兵趕抵秦家坪該

匪又向西狂奔闖入平利安康一帶其熊翠股

匪經孫清元在柳樹坪剿敗後仍分股在二竹
界外楊白家坡等處逃遁以爲牽制官兵之計
詭譎情形甚爲可惡

臣

與額勒登保等籌商額

勒登保以西竄陝境之賊恐其北趨必須趕緊
抄截當率原兵折回白土關一路向西南兜剿

德楞泰在楚督飭鎮將趕剿熊逆等匪囑

臣

仍

回房縣途次據總兵孫清元稟報接該鎮探知

熊姓敗匪由楊白家坡奔竄分兵兩路追擊至
小藍溝地方殺賊十餘名生擒張士信等七名
訊係積慣矛手當卽正法又疊據副將呢瑪普
稟稱該協因熊逆夥衆由楊白家坡白皮家河
奔逸率兵趕赴金河迎截適遇該匪由偏頭山
一路竄來一見官兵卽分佔山梁擲石抗拒該
協同叅將王占鰲李東宣李貴叅領德克精額

阿穆昌阿觀德保守備王元相趙先貴帶兵仰
攻直上鎗箭齊發斃賊三十餘名生擒八名該
匪翻山向平定河逃竄該協等分路窮追沿途
又殺賊二十餘名生擒十三名搶獲刀矛四十
三件騾馬十二頭匹賊旗二面該匪被追情急
復分兩股前竄該協等隨剿隨進行至四季溝
該匪向密林內遁藏經兵勇入林搜剿將匪衆

逼至葉家溝奮力剿殺適帶領鄉勇派防竹山
西北鄉之把總劉從善聞官兵追賊臨近率勇
趕到協剿兩路截擊斃賊五十餘名生擒二十
四名搶獲刀矛三十七件賊旗二面所有前後
獲賊就近分解額勒登保德楞泰軍營審辦
仍飭孫清元呢瑪善等上緊追剿不予以暇查
此股熊翠賊匪前經德楞泰痛剿之後勢已敗

殘今孫清元等又疊加截擊該匪人數無多當
可卽就掃除又據興山縣知縣張曰瑞稟報該
縣押運軍糧至縣屬之榛子泡探聞前面羊檻
嶠有零匪屯聚該縣傳集天保鳳凰等寨首領
張琳陳光朝等帶領寨勇四百餘名往剿該匪
慌忙四竄寨勇等乘勢追殺擊斃執白旗賊目
一名散賊二十餘名奪獲白旗一面刀矛二十

餘件該匪散向西竄悉勇陳允安陳光祥張琳
喬上達等見內有頭戴草帽花翎手執紅旗一
賊知係賊隊中頭目奮力趕上用鎗擊斃在該
匪身上搜出經咒一本餘匪散入老林訊據逃
出難民鄭光庭供稱此股係黃號餘匪所斃執
白旗賊人是賊營先鋒姓桂不知名字鎗斃執
紅旗賊目是賊首唐明刀萬係四川人並將所獲

經本旗幟稟繳前來又據房縣知縣孫捷三稟
報據該縣得勝寨首領余同山白龍洞首領貢
生徐成章等稟稱該首領等探有零匪一股竄
至漳洛河滋擾傳知鄰近各寨率勇堵截寨首
林鳴皋孫家興鎗斃賊探一名馬一匹賊即敗
退該勇等割取耳記稟報到縣該縣查驗屬實
等情

臣

當卽分飭該管道府將出力寨勇查明

分別獎賞以示鼓勵再查該寨民等所擊卽係
崔胡股內零匪此股賊匪經總兵吉林泰李天
林帶兵在朱家溝平渡河剿敗西竄至竹谿縣
屬葛籐口等處吉林泰等由東路緊躡前進德
楞泰因北路熊逆餘匪無多復督兵由西北向
東南兜剿可冀與吉林泰等夾攻集事此時楚
省賊雖散漫兩旬以來各路兵勇俱有斬獲其

勢漸蹙此外三五爲羣零匪現復派員分投激
勸寨勇協捕以助兵力之所不及所需糧餉

臣

已於二十日回抵房縣自當督飭糧局各員源

源供運用利師行不使稍有缺乏再

臣

等據鄖

陽府知府阿霖稟報該府於九月初十日隨叅

贊德楞泰營次接到家信聞訃丁親母憂等因

伏查該府現丁母憂例應回旗守制除經委員

代辦該府印務外惟查鄖陽一府所屬連界川
陝俱係連年被擾之地此時團勇搜捕督運糧
餉及將來巡防安輯整飭地方一切必須明幹
知府熟悉風土民情率屬妥辦斷非初任生手
所克勝任該府阿霖歷年在鄖屬軍營辦差於
地方情形頗爲諳練人亦穩實本年叅贊德楞
泰大兵在楚往來鄖屬四月有餘糧運事務印

係該府隨營料理得以供支無悞

臣

吳熊光接

據具報丁憂當以大功將次告歲軍務地方正

關緊要未便遽令離任回旗頓易生手札商

臣

全保並與經畧額勒登保叅贊德楞泰面爲商
及彼此意見均屬相同合無仰懇

聖恩

俯准以鄖陽府知府阿霖仍留原任署理俟服闋之

後另請實授實於軍務地方均有裨益再查楚
省自樊人傑及蒲添寶等大股賊匪次第剿除
後其餘敗殘零股總於無兵處所分投四竄官
兵不能分遣多處搜剿不得不爲權宜之計激

勸寨勇以資協捕

臣

前與襄鄖荆宜二道督飭

各屬就現有寨堡派員辦理現在前派佐雜各
員已陸續趕抵差次惟西南兩路山程遙遠安

襄荊宜二道承辦事件較多勢難常川稽察恐
辦理未能認真

臣

與經畧額勒登保叅贊德楞

泰面爲籌商復將川陝現辦章程詳加叅酌楚
省下游各府本年所屬地方多有旱澇本管知
府正在率屬撫輯未便檄調今酌調道員同知
各官分赴襄鄖宜三屬協同該管府道按段妥
辦查二竹一路逼近川陝跬步皆山安襄鄖荆

道王正常於該處地利民情最爲熟諳卽派該
道爲總理知府周率堂佐之並派佐雜人員分
役經理房縣保康二屬山徑綿亘鄖陽府知府
阿霖歷年隨營往來悉所親歷察民人等亦皆
信服卽派該府爲總理以同知王樹勲佐之並
派佐雜九員分役經理均州穀城南漳遠安四
川縣界連鄖宜二府派鹽道海昌爲總理以同

知謝登雋佐之除向有分防巡檢外并派佐雜
九員分路協辦宜昌府屬東湖興山二縣爲賊
匪往來熟徑荆宜施道陳蘭森督辦宜屬一路
軍需可就近總理其事并派同知張許佐之歸
州巴東二州縣爲川楚門戶山深林密易於藏
奸以宜昌府知府金之忠爲總理并派知州徐
昱佐之查宜郡四屬共派佐雜二十員交該道

陳蘭森酌分段落派委經理至於鄖縣鄖西襄陽宜城荊門當陽等處或在漢江北岸現遠賊類或係腹內地稍平坦卽責成該地方府州縣督率本處汛員經理如不敷查察再酌派佐雜一二員幫辦如此分段管理一段之中有寨堡若干寨內戶口若干可集勇若干器械若干均令總理總管之員督率各委員查明登記並勘

明四至道里逐段聯絡互相捍衛賊遠仍聽各
勇力作賊近則料衆探剿並曉諭各寨將婦女
糧食牲畜移歸寨內無使濟賊該委員等於所
管段內駐紮適中之地經理該總理總管之員
又於所轄各州縣適中之地駐紮督率稽查委
員等果能率勇捕賊有功奏請分別獎勵倘辦
理不力仍令零賊分竄卽行查叅甚或捏報邀

功牒混請賞更當從重治罪其總理總管各員
卽視委員之功過定其優絀庶幾層層督率咸
有責成於搜捕似爲有益其有人數稍衆股匪
仍責令官兵躡蹤跟剿寨勇等通助聲勢該匪
自必無路潛蹤可期迅速掃蕩而辦理亦不致
草率至於應用經費仰蒙

聖明垂鑒楚省情形不同川陝

恩准作正開銷所需探勇寨勇委員書識等應給月費口糧等項臣嚴飭總理各員仿照川陝奏定章程撙節支給務使絲毫皆歸實用另行按款咨部查核斷不敢稍任浮冒再查川陝團勇章程內賊遠之日委員率同寨勇按期操演并於左近各寨往來會哨該勇等均給以口糧錢文臣伏查被擾地方民力未免拮据凡遇操練會

巡之日各勇離本寨較遠給以錢文以資裹腹
亦屬體卹之道惟必須查明該勇等果能實力
操防核實給發庶不致有冒濫楚省情形與川
陝不同現當餉項不充仰蒙

聖恩准令開銷更當撙節慎重除飭承辦各員將應
給操演會哨之日各勇口糧俟辦有章程再行
酌核辦理外至於賊近之日出寨擊賊各勇能

於臨陣擒賊殺賊查明屬實者所需獎賞

臣商

之經畧額勒登保均以爲在所必需現卽查照
額勒登保等原定章程分別核給以示鼓勵奏
入

上命軍機大臣傳諭吳熊光曰此次熊翠賊匪分股
奔竄經孫清元呢瑪善等疊加截擊多有斬獲其
黃號餘匪經興山縣知縣傅集寨勇奮力追擊當

將賊首唐明萬藏懲該犯亦係著名首逆日久積
誅今經殲戮此皆寨勇等齊心奮力故能殺賊立
功實屬可嘉寨勇陳允安陳光祥張琳喬上達如
未得有頂戴者賞給七品頂戴如已有頂戴卽賞
給藍翎仍各賞銀一百兩用示獎勵至吳熊光添
派道府丞倅等員分股督辦寨勇事宜於各段中
寨堡戶口器械均令總理總管之員督率委員查

明登記趁此搜捕零匪之時於團練之中密寓查
察俾人心不生疑慮所辦甚是吳熊光當令所派
各大員出示曉諭以現在賊匪無多可以剋期剿
滅爾寨勇等各宜奮勉同心禦賊不但可以自衛
身家並可仰邀恩賞卽如興山縣之寨勇陳允安
等將唐明萬殲斃業蒙恩旨給予翎頂並加賞銀
兩兩等更當聞風踴躍遇有賊匪竄近卽協力殲

擒立功受賞如此通行曉諭庶寮勇等倍加鼓舞
認真團練聲勢聯絡使賊匪無路潛蹤可期迅速
掃蕩於剿捕機宜更有裨益又據稱鄖陽府知府
阿霖現丁母憂請仍留原任辦理地方軍務等語
從前施南府知府周季堂在軍營丁憂因其承辦
一切係屬熟手曾准留於楚省並念該員不能回
籍治喪於本籍賞銀一百兩俾資料理此次阿霖

在鄭履辦差有年於地方情形諳悉未便頓易生
手著照所請准其仍留原任署理並著照周季堂
之例加恩於廣儲司內賞給銀一百兩就近交伊
在京家屬具領該督卽傳知阿霖俾該員倍加感
奮

同日陸有仁奏言連日據探報楚省賊匪一股
馬隊矛手約共七八百人由鄭縣竹山邊界竄

入白河縣屬之余家灣署知縣黃哀率勇堵禦
賊卽向洵陽一帶西竄經清吉寨寨勇放鎗擊
斃賊匪二名搶獲紅令旗一面上書張二元名
字賊匪大隊旋卽闖入安康之牛蹄嶺距興安
郡城二十五里總兵喜明等帶兵趕到兩次擊
剿擒斬賊匪五六十名奪獲馬騾一百三十餘
匹該匪南竄宴溪河其地與泊河相近喜明等

現在躡蹤追剿又另股楚匪數百人由竹谿竄入白河縣屬之泰山廟知縣黃袞仍卽親身率勇堵剿與賊接仗手刃賊匪二名正在衝壓之際不意山溝內突出多賊黃袞力戰陣亡鄉勇亦間有傷亡幸楚省官兵趕到於柳樹坪地方接仗獲勝擒斬甚多賊隨分作兩股俱竄入洵陽境內官兵緊躡追知縣嚴如煜圍集寨勇

分路扼截以期就地殲除

臣

查知縣黃袞本由

臺灣得有軍功議叙州判嗣復隨經畧額勒登
保軍營在川陝二省屢次堵剿出力經額勒登
保

奏明留陝以知縣陞用委令署理今職該員凡遇
剿賊均能奮勇當先而於地方事宜辦理亦甚
妥協今遽臨陣捐軀其情甚爲可憫

臣

已飛飭

現在興安差委之候補知縣陳俊儒就近馳往
白河接印任事並將黃袞身後一切妥爲照料
此時兩股楚匪俱逼近漢江奔竄無定且尙有
分出零星之賊數十爲羣潛匿窺伺沿江現有
挽運江西省協糧船隻又值水勢日平淺難漸
涸之際防守江岸實關萬緊臣已飛飭各地方
官將空重大小船隻儘數收歸北岸派撥兵役

並多團本地鄉勇分段巡防仍飛咨署總兵百
祥酌派官兵於緊要淺灘堵禦以期保護嚴密
聞經畧額勒登保行抵竹谿因知賊已入陝現
卽移回督剿將軍賽冲阿亦有追賊入陝之信
又川省賊匪數百人現在通江一帶遊奕逼近
南鄭花石梁卡隘原任總兵永明現已帶兵堵
截臣復飛飭各寨勇協力嚴防以杜闖入滋擾

至南山內餘匪經督臣惠齡就近飭催楊遇春
等分投搜捕各路寨勇復到處搜拿賊勢日益
零星似無難以次淨盡所有各路糧餉臣督飭
糧員及地方官隨地隨時源源接濟不敢稍有
缺悞再陝省節次裁撤鄉勇臣已將安貼情形
隨時具

奏現在南鄭以西各遠卡鄉勇除照經畧奏案於

緊要之處酌留數百名外其餘俱已分別遣散
安插道員朱勲副將王兆夢等卽日馳往西鄉
各卡酌量裁撤客俟報有成數另行恭摺奏

聞奏入

上命軍機大臣傳諭陸有仁曰現在額勒登保因賊
已入陝卽移師仍回陝境跟蹤剿辦並賽冲阿亦
有追賊入陝之信各路軍火糧餉較前增添該省

餉銀本屬充裕陸有仁務當督飭局員隨地隨時
源源供運不可稍有缺乏至此時竄匪尙近漢江
不免意存窺伺現值水淺之時江防尤關緊要該
撫應卽嚴飭百祥等及防江地方官晝夜巡緝將
船隻提過北岸勿令晒淺偷渡此爲至要

二十九日

丁酉

德楞泰奏言據探報孫清元等原

追之賊五六百人係王國賢等餘匪自大神河

西折後知官兵分路剿辦連夜狂奔已向安康之牛蹄嶺西逃穆克登布喜明業已帶兵緊躡追剿額勒登保又令格布舍副將張廷楷接續前進額勒登保復恐其蔓延江岸次日亦帶原兵回陝督飭各路兵勇剿辦因平利一帶官兵並無大員督率商留賽冲阿在於該處扼據防堵仍令富僧德帶領吉林官兵同蒲尙佐等速

卽歸營剿辦戴四賊股

臣

暫候兵力一面飭催

各鎮將趕緊辦理熊逆賊匪十五日接據副都
統富翰副將呢瑪善稟報十三日早抄出金河
適有由偏頭山竄來賊匪二百餘人當派叅領
德克精額阿穆昌阿叅將王占鰲遊擊李貴李
東宣等分投直上叅領觀德保等繼進鎗箭齊
發斃賊三十餘名生擒八名該匪翻山向平定

河奔竄富翰率同協領明安尙安泰遊擊金洪
翮等由觀音堂截住西北之路王占熬李東宣
等緊躡尾追該匪逃至觀音寨地方知有官兵
抄來又向東折追至尖山嶺又殺賊二十餘名
生擒十三名搶獲刀矛共四十餘件驟馬十二
匹頭旗二面訊據獲犯供稱熊翠原想到陝西
去被孫大人殺敗如今要回湖廣老林裏藏躲

不想又被官兵殺來等語已將獲犯王之新等
共二十一名旗二面一併解送額勒登保大營
查辦十七日接據吉林泰李二大林稟報戴四等
逆由大小西河有走泉河廣龍灘泉溪北竄之
勢該鎮已抄出郭家洲泉河迎截等情查泉溪
係竹谿白河兩省交界該處又通陝境平利縣
之八角廟會家壩等處因思富僧德蒲尙佐歸

營必由白土關東回卽飭其就近由八角廟自

西北向東南探蹤兜截

臣

於十七日亦督率溫

春色爾滾富登阿馬瑜取道竹谿之漫液遇其

西北之路十八日又據富翰等稟報熊翠餘匪

被剿後分爲兩股一起六七十人走西南之麻

柳溝一起百餘人由真福洞南竄孫清元等取

道呂河前進富翰等於十六日趕抵四季溝口

探知該匪藏於山上密林之內馬不能前隨派
觀德保李貴趙先貴棄馬步行分領兵勇抄上
該匪見兵卽向南奔富翰等帶馬步兵勇遂由
七里關繞出葉家溝口值該匪竄過對面山梁
富翰等分投並進鎗箭齊發當斃賊三四十名
共生擒活賊二十四名訊據獲犯吳添朋供稱
初九日熊率被官兵剿殺後夜裏帶有一百多

人要逃進竹谿南山老林裏去我們有六七十
人要由八角廟轉到南山去會合不料官兵殺
來我被拿住總兵陳鳳也被殺了等語搶獲刀
矛三十餘件旗二面專差千總劉均將獲犯並
旗幟解送到營臣查訊吳添朋等二十名均係
積年老賊一概正法其王得元等四名實係難
民照例省釋又據總兵德昌稟報帶兵在吉陽

關一帶堵剿先經臣等札飭令赴陝境白河之

水中溪長池一帶遏截西北之路十六日行次

關廟河探有賊匪百餘人由百子溝竄走酉刻

追至廖家溝該匪正在上山卽與副都統銜都

當阿督率營總和隆武叅將德興承祿等帶領

馬隊先行馳追令都司韓瑛唐盛高等帶步隊

繼進策應直追至花巖河該匪又奔上山頂憑

高抗拒官兵奮力直上鎗擊箭射斃賊二十餘
名生擒活賊十三名騾馬七匹頭子三十餘
件所剩賊匪七八十人向南遁逃訊據獲犯何
作良等供係熊翠帶領之賊專差解送到營當
卽訊明分別辦理查熊翠等兩股賊匪所剩不
過百餘人狼狽之極臣飛札德昌都當阿等帶
兵卽行跟追無論陝楚總當窮其所向務盡根

株斷不可稍留餘孽茲臣於二十一日行抵瀝溝

二十一日接據吉林泰李天林來稟戴四等逆

探馬於十八日已至郭家洲知西面有大兵東

來不敢竄陝遂由大小西河翻山折向東南之

駟馬岡瓦桑河一帶現仍帶兵尾躡緊追等語

查該逆等若向東南之湖溪則入房縣興山倘

直向南竄王家山係入川之路豐紳現在四川

大寧之徐家壩一帶堵剿

臣

卽飛行知照令其

探蹤截剿再查富僧德蒲尙佐等帶兵自八角

廟會家壩向泉溪而來係在賊之左手富翰托

爾托保呢瑪善朱士奉等由葛藤口前進係在

賊之右手

臣

督率溫春色爾滾富登阿馬瑜等

由中路泉河接續吉林泰李天林之兵繼進似

此分投趕辦該逆斷不能久稽殲戮又查楚省

尚有陳姓賊匪四五百人現在巴東之大峯界嶺一帶遊奕其餘數十人並百餘人者亦不過

兩三起

臣

兵行臨近卽分兵剿辦又頃據署陝

安鎮總兵副將百祥具報穆克登布喜明帶兵西追於十二日在安康之柴郎廟左林溝等處

截剿賊匪殲擒數十名搶獲驢馬一百餘匹頭

旗幟刀矛數十件賊向西南小道河奔逃十四

日又於紫陽之雙河場痛剿擒斬甚多搶獲騾馬旗幟刀矛不少餘匪向六道河陡嘴子奔竄有人川之勢等語額勒登保督兵緊躡斷不致蔓延其王國賢一犯是否生死此番自可得其實在底裡又據候補知州署雲陽縣知縣梁敦懷稟報八月十五日有張長青賊股入境見招撫告示遣夥匪王士鳳至人和寨探明告投營

經寨首陳世輔等帶同赴縣又經梁敦懷反覆
開導賞以銀牌繕給諭帖令其復回賊營賊衆
共知招撫屬實張長青張長生兄弟二人卽帶
領一百餘人來投途次龍洞又遇黃號李學坤
等零匪四五十人張長青亦勸其投順均於二
十五日一同到縣該縣卽解送勒保軍營辦理
聞勒保並未留其隨營當令該縣帶回原籍安

爲安插

臣

現又將張長青張長生李學坤等首

從全行投順安插歸業各緣由繕寫簡明告示

遍行曉示以便剿撫兼施又遵查前竄川境賊

匪四股千餘人一起係張長青帶有四百餘人

嗣經川省官兵截剿窮蹙首從餘匪現已率衆

投順一起百數十人係

臣

在雲霧溪剿辦蒲逆

打散餘匪竄至雪陽被達斯呼爾岱副將羅聲

臯等剿洗淨盡其由邊界老林竄至大寧太平
山內兩起賊匪姓名人數並現在有無零匪遁
入之處均未據有稟報俟臣查明再爲附

奏此次各路剿賊並無傷亡兵勇再臣前奉

諭旨以達勒精阿等一路殺斃賊目之兵丁李正順

鄉勇游賞應如何施恩之處令臣與勒保酌量

保奏當卽遵照商勒保尙未覆到臣查兵勇

李正順游貴在梨子坪剿賊爭先立殲賊目得
以乘勢擒剿誠爲奮勇出力之人茲蒙

聖慈鼓勵

臣

酌擬兵丁李正順鄉勇游貴二名或以

把總拔補或

賞戴藍翎之處出自

天恩奏入

上命軍機大臣傳諭德楞泰曰此次熊翠賊匪分股

奔竄經孫清元等趕緊追殺連有斬獲餘匪祇剩
百餘人狼狽已極其戴四等逆經吉林泰等追剿
折向東南現仍尾躡緊追此時楚省賊股王國賢
餘匪昨據額勒登保奏經官兵痛剿逼竄入川熊
翠股匪亦已至陝省白河口可見楚境之賊紛紛
俱思外竄惟據摺內稱尙有陳姓賊匪四五百人
及戴四等逆所剩無多是否崔蔭一逆亦在其中

摺內未經敘及但合計賊匪已不及從前二千之
數無難迅就掃除昨因楚匪竄陝已令額勒登保
留陝專辦堵剿事宜所有楚省賊匪專交德楞泰
督辦現在九月將盡該叅贊當督飭將領將楚境
各股零匪剋日剿除不得再有稽遲倘至天氣嚴
寒又以冰雪凝滑籍詞延緩如果境內實已肅清
隣省亦斷無竄至之賊德楞泰卽遵照昨旨用紅

裏黃面奏摺會同吳熊光馳遞捷音不必三省會
商方行奏報如彼時川省尙有一二未淨零匪德
楞泰係成都將軍仍應移師入川協同捕淨目下
功屆垂成惟應以剿爲正辦不可徒事招撫就延
時日嗣後遇打仗得有斬獲務須將該省所剩賊
匪若干於每次摺內報明毋稍含混所有前在達
勒精阿一路殺斃賊目之兵丁李正順鄉勇游貴

昨據勒保奏到已加恩賞戴藍翎矣

同日祥保溫承惠奏言竊照此次凱撤

盛京吉林黑龍江三省官兵六百四十三員各前

經_臣等將酌分四起行走並照料起程日期恭

摺奏

聞在案茲各起官兵均間二日自省次第起程_臣等

按起親往公所彈壓照料並督飭原派之文武

員弁及沿途地方官妥爲安頓供支接護前進
現據軍標副將倭星額同州府知府盛惇崇等
稟報頭二三四起官兵已於九月十一十四十
七及二十等日行抵潼關接起護送出境訖一
切供支均無貽誤該官兵俱各歡欣前進極爲
安靜臣溫承惠卽飭各地方官於第四起官兵
過竣後將原安車馬全數捲撤以節糜費其各

起官兵花名清冊均已咨送兵部再由漢中一

路凱撤山西官兵一千五百餘員名經撫

臣

陸

有仁派員護送至省

臣

溫承惠先期督飭沿途

地方官兵照例預備供支並派委理事同知福

倫候補同知楊超鎰遊擊馬德守備烏振元等

分起接護前進該官兵沿途行走亦甚安靜茲

據潼關廳稟報已於九月十八二十二等日

全數出境奏入報

附